

王黃州小畜集

三

王黃州小畜集卷第十



律詩

再授小諫偶書所懷

贈禮部宋貲外閣老自汝州副使拜命前年與子同貶

自寬

贈衛尉宋卿二十二丈二首前翰長侍郎

送融州任巽戶曹

寄商州馮十八仲咸同年

送史館學士楊億閩中迎侍

覽照

送寇諫議赴青州

小畜集卷

一

吾研齋補鈔

寧公新拜首座因贈

壽寧節祝聖壽十首

幕次閑吟五首

還韋度支韶程集

將赴單州和韋度支相送之什次韻

初上單州有作

送秘閣裴都監奉使兩浙已下再入掖作

送戚殿丞之任括蒼

送馮中允之任婺州

寄題義門胡氏華林書院

送母殿丞赴任齊州

送張監察通判餘杭

送楊屯田通判永興

書齋

書懷簡孫何丁謂

送柴諫議之任河中

送僕射相公赴西京

送李著作

送禮部蘇侍郎赴南陽

制除工部郎中出內署已下滁州作

詔知滁州軍州事因題二首

滁州官舍二首

小畜集卷

二

吾研齋補鈔

堂前井

荒亭晚坐

身世

瑯邪山

為郡

自笑

自問

夜長

與嘉祐同遊寶應寺

迂儒

花鹿

今冬

滁上謫居四首

戲題二章述滁州官况寄翰林舊同院

高閑

臘月

雪中看梅花因書詩酒之興

朝簪

賀呂祐之諫議

賀馮起張秉二舍人

送都官梁貞外同年之江南轉運

有傷

小書集卷

三

吾研齋補錄

寄杭州西湖昭慶寺華嚴社主省常上人

送鄭襄歸閩中

贈王嶽

病假

偶題三首

詩酒

司空相公挽歌三首

和廬州通判李學士見寄二首

贈朱巖

戲和壽州曾秘丞黃、詩

又和曾秘丞見贈三首

和朱嚴筇別

賦得紙送朱嚴

饒州馬殿院頻寄異鬚藥服千丸斑白未減

作詩以報之

歲暮感懷

送鄭南進士歸洪州

再授小諫偶書所懷

宦途滋味飽更諳命薄于人分亦甘兩鬢雪霜為小諫六

街泥雨趁常參便休祿仕飢寒累強逐班行面目慙安得

去如种處士板輿榮侍卧終南种放與母偕隱終南

贈禮部宋員外閣老自汝州副使拜命前年與予同貶

小畜集卷

四

吾研齋補鈔

棘蕩詞臣且向南宮作舍人禮部員外郎休歎貳

車如竹葦員外郎散副使須知百日掌絲綸故事禮曹外郎百日內知

制錦窠官重真殊拜玉筍班清祗一身禮曹一人而已

堪笑白頭王小諫握蘭猶未得相親

自寬

身世龍鍾見自寬追量才分合饑寒朝中舊友休誇貴篋

裡新詩不博官曉髮靜梳微霰落夜吟閑拂古風殘會須

歸滄江上累石移莎擁釣灘

贈衛尉宋卿二十二文二首前翰長侍郎

性情和雅得天真卿寺顰頭任屈伸三品且隨前宰相

班在尚書下與吏部重腫偏認舊詞臣宿齋院冷琴橫膝

宋呂二相公相接

朝退門閑鶴伴身多少摠衣門弟子側聆還望秉陶鈞

其二

謫宦歸來髮更斑徇翔猶在寺卿間幾多僚吏三台上太
半生徒兩制間舊賜錦袍多貰酒新裁紗帽欲歸山東垣
小諫龍鍾甚空媿洪鑪早鑄顏

送融州任巽戶曹

撰越王愛姬墓誌得罪

御前曾取好科名一掾如何萬里行身落蠻夷人共惜罪
因文學自為榮吏供版籍多魚稅民種山田見象耕君看
咸通十司戶投荒終久是公卿

寄商州馮十八仲咸同年

遷客秋來捧詔還故人多怪鬢毛斑重為東掖垣中士猶

小書集卷

五

吾研齋補鈔

夢西暉亭下山靜筭宦途皆是命老思身計不如閑何時
相約同歸約隱水竹蕭々並掩關

送史館學士楊億閩中迎侍

迎侍閩川去路長才名官職過歐陽翰林貴族誇東榻近楊

為副翰張為舍人史館清銜慶北堂別酒正逢寒菊綻歸舟應見

早梅香拾遺健羨吟詩送莫笑蹉跎兩鬢霜

覽照

覽照笑浮生秋霜髮數數莖才高室有氣官散即無榮貧
久心還樂吟多骨亦清他年文苑傳應不漏吾名

送寇諫議赴青州

表海鎮崢嶸樞臣輟禁庭兩蕃申族帳七縣造圖經密勿

君恩異循良祖德馨旌旗驅驛路鼓角出郊坰歸夢尋溫
樹行塵動福星上儀三道判排設十間廳風靜衙門戟霜
寒郡閣鈴看山樓號白封社土分青花好詩難惜梨甘酒
易醒壯丹州所出皆徵還都幾日莫愛妓娉婷

寧公新拜首座因贈

著書新奏御亦詔承旨蘇公道士韓德純与公集三優詔
及禪扉首座名雖貴家山老未歸磬聲寒繞枕塔影靜侵
衣終憶西湖上秋風白鳥飛

壽寧節祝聖壽十首

待漏齊趨聖節筵雲開金闕上青天平明引入長生殿共
祝堯雲百萬年

小畜集卷

六

吾研齋補鈔

其二

數聲飛電嚮鳴鞘香裊金爐映赭袍玉母親承玉皇詔年
年今日進蟠桃

其三

有國土何時見堯率天宮底處開盡說今年壽寧節一
齊移入帝城來

其四

簾前何 冬日堦下新抽七葉蓂昨夜靈臺因預奏綵
雲高捧老人星

其五

益筭真君南斗高還因聖節奏天曹扶桑枯盡靈椿老始

出壽毫

其六

莊周浪說華封祝漢帝虛傳嵩岳聲爭似壽寧嘉節日千
門萬戶願長生

其七

帝德由來動百神年、聖節絕纖塵萬家喜氣生和氣冬
日翻疑一日春

其八

祇為憂民感上玄玉京今日集羣仙更教添注吾君壽直
過人皇萬八千

其九

漢主壽山稱萬歲玄宗佳節號千秋吾皇別享無疆福百
姓歡呼動九州

其十

謫宦高於又解梁二年不見赭袍光重來班列雖踈遠祝
壽情深淚數行

幕次閑吟五首

二年憔悴咏江籬恩詔重教侍玉墀寓直掖垣休入夢常
叅幕次且吟詩新文自負山中集舊吏多驚鬢畔絲莫道
諫官無一事猶勝閑卧解州時

其二

禁漏遲、待玉班坐愁身計忽長歎時清偶直千載運頭

白重為八品官烏帽半欹殘月冷馬鞭慵執曉霜寒君思
未 壯不敢思歸七里灘

其三

文章曾受帝褒稱幕次孤吟冷似冰借馬趁朝長後到問
人求米盡難憑僮教罷藥朝無酒兒廢看書夜絕燈除却
金章在腰下其餘滋味一如僧

其四

六里山中謫宦身歸來無路掌絲綸塔前不見朱衣吏堂
上 白髮親月入可堪茶作俸雨多還怯桂為薪懶求
郡印緣何事曾忝西垣侍從臣

其五

江籬吟盡鬢成絲霜謫宦歸來夢一場每日祗窺丹鳳紫
被人猶喚紫微郎齋宮獨坐風翻幕客舍閑吟葉滿床若
是承明容再入未曾荒廢舊文章

還韋度支韶程集

嶺南為郡帶名曹萬里江山興詠饒皇宋聲詩歸雅正有
唐門地本逍遙雪霜思苦雖侵鬢金紫恩深已佩腰舊草
滿囊勝葢苾幾聯乘醉寫芭蕉進來聖主迴天眷抄逐蠻
僧過海潮何事曹南得披覽韶程風什似聞韶

將赴單州和韋度支相送之什次韻

就養求官動聖知專城猶得近王畿鄉人竟指曾題柱丘
嫂應慙不下機西掖罷批天子詔北堂榮著老萊衣鄰封

唱和如多暇三載須成一集歸

初上單州有作

舊宮休念直承明就養誰能繫宦情
藍綬昔年為短簿綵衣今日是專城
故人半在登樓看親老初來滿郡迎
慢逐板輿張皂蓋平生唯有此時榮

送秘閣裴都監奉使兩浙已下再入西掖作

霏、梅雨灑船窓綠荷綠荇參差早稻黃
捧詔暫辭圖籍府揚帆深入水雲鄉
皇華靜讌江樓月御札閑開野寺香
若到蘇臺人問我長官重拜紫微郎

送戚殿之丞任括蒼

佐郡海西邊挂帆離屯園遠經羅刹石去近鵲鴒原菊暖

小畜集卷

九

吾研齋補鈔

秋飛蝶霜晴夜叫猿老郎方吏隱應笑市朝喧殿丞弟

嘉縣

送馮中允之任婺州

東南宦遊多勝遊婺女星下溪山溪幽嚴陵隱德七里瀨
沈約詩名入詠樓岸上黍離經故國湖邊木脫正高秋承
明三入妨賢久擬覓江鄉小郡侯

寄題義門胡氏華林書院

水閣三齋架碧虛亭、華表映門閭力田歲取千箱稻好
事家藏萬卷書旋對杯盤燒野筍別開池沼養溪魚吾生
未有林泉計空媿妨賢卧直廬

送母殿丞赴任齊州

三齊號難治民瘼待良醫勿謂人多詐須教吏不欺魚鹽
多近海桑柘潤連淄御札新班頌曆無忘訓誠詞上親選良吏仍

賜御前曆子

送張監察通判餘杭

郡城瀟洒浙江濱慙輟乘驄慰遠民莫放霜威誇御史且
收風景屬詩人雪侵樓上迎潮眼花擁湖中泛月身盡是
公餘吟詠處好飛佳句寄詞臣

送楊屯田通判永興

長安奔廢比藩方通理猶宜占省郎入洛才名齊二陸屯田

自浙入朝有唐門戶本三楊屯田唐末避地江南袖中丹桂家

聲在道畔豐碑祖德光在閩西夫子碑上莫向公餘尋故第棹

小畜集卷十

善研齋補鈔

燕難認靖茶坊

書齋

年、賃宅住閑坊也作幽齋着道裝守靜便為生白室著
書兼是草玄堂屏山獨卧千峯雪御札時開一炷香莫笑
未歸田里去宦途機巧盡能忘

書懷簡孫何丁謂

三入承明已七年自慙蹤跡久妨賢吾子幾時歸鳳閣病
夫方欲買漁船季路肯甘知己矣潘安毛鬢更皤然舉人
自代何由得歸去東臯種黍田

送柴諫議之任河中

蒲津名郡得名公諫紙盈箱且罷封紅藥塔墀曾吐鳳綠

莎廳事舊鳴蜚

故事河府院有綠莎廳唐來治平時好事者常加澆溉兵興之後為不好事者剷去

之公好事者也

下車首謁重華廟入境先經五老峰見說

丘門詩板在應教回也繼遺蹤

故河府兵部王侍郎嘗知

送僕射相公赴西京

五十升端揆西郊保任釐偶拋三事重未失百僚師府縣

威儀引宮城管鑰隨麤官嫌出將劇位是留司櫻筍供筵

饌蜩蟬響路岐碧紗題壁處畫錦下車時請兩摩騰塔尋

芳白傳祠維嵩過舊隱襖洛賦新詩禮絕應懸榻公餘尚

讀碑留臺咨拜表內殿列須知易退甘龍卧難虛是鳳池

兩京全咫尺三入不參差康濟荒年穀風標釘座梨唐相

文詞清麗風神峻整時人謂云耳弼諧終在我睠注更同誰溫樹陰猶在

小書集卷

十一

吾研齋補鈔

甘常影暫垂常濡玉堂華願草白麻詞

送李著作

芸閣新銜捧詔歸歷陽湖畔拜庭闈已聞愛子披朱紱著作

賜服邑已猶學嬰兒著綵衣飯饋海陵紅軟糈鱸擊淮水白

魚肥吾生自失榮親祿謾踏花磚入北扉

送禮部蘓侍郎赴南陽

拜命辭台席扶親道更光風流在東閣優逸是南陽治篋

排宸翰行衣帶御香袴襦編戶暖扇枕板輿涼鈴閣留僧

飯書齋著道裝遺蹤尋耿鄧善政法龔黃潭淨秋收菊郊

平曉坐棠未應淹郡國即是復巖廊一息同盆鳥重來浴

鳳皇貳卿三十八羞殺老馮唐

制除工部郎中出內署已下滁州作

溫樹陰中別玉堂應星猶得入文昌莫嫌工部官曹慢杜
甫才名是外郎

詔知滁州軍州事因題二首

曉直銀臺作侍臣暮為郎吏入埃塵一生大抵如春夢三
點何妨似古人不稱禁中批紫詔猶教淮上擁朱輪時清
郡小應多暇感激君恩養病身

其二

罷直金鑾領一麾依前顛悴詠江籬所嗟吾道闕消長豈
為微軀繫盛衰尚媿臨民為父母終當養學稼養妻兒自
憐此度辭京闕猶勝商山副使時

小畜集卷

二

吾研齋補錄

滁州官舍二首

忽從天上謫人間知向山州住幾年俸外不教收果實公
餘多愛入林泉朝簪未解雖妨道宦路無機即是禪鈴閣
悄然私自問郡齋何異玉堂前

其二

失職金鑾假一麾瑯邪山色遶城池解龜且作三年謫下
馬先吟八絕詩勾檢簿書寧失俗逢迎使命亦隨時公餘
不敢妨吟詠異日聲名繼至之

獨派及字至之
及為滁州刺史

堂前井

公署在山上鑿泉深且清一杯水溜滿六月火雲生利物
誠堪拜投錢惡近名飲之何以報官况與詩情

荒亭晚坐

荒亭秋日沉獨坐白頭吟為郡殊無味歸田素有心鵲翻
楓葉乳螿響菊叢深微物休相聒幽懷老不禁

身世

淮邊為小郡身世復何云妻病無醫藥兒癡典墳簪裳看
似夢俸祿薄如雲不作歸耕計何階望致君

琅邪山

東晉元帝以瑯邪王渡江常駐此山故
溪山皆有瑯邪之跡不知晉已前何名

連峯復岩堯峰巒架次寥流名自東晉積翠滿南譙洞碧
通仙界溪明潤藥苗古臺臨海日絕嶺見江潮杉影挈雲
暗泉聲出竹遙廟碑傳漢祖寺額認唐朝早歲時雷稼靈

小畜集卷

十三

吾研齋補鈔

蹤合禁樵詩章因我盛

唐賢遊者多矣
無瑯邪山詩

屏障遣誰描近住

人多秀頻登酒易銷圖經標八絕瀟霍合相饒

為郡

為郎為郡意何闌羞拂朝纓蓋病顏賜筆任分雙管赤梳
頭已是二毛斑道孤自合先歸隱俸薄無由便買山出坐
兩衙皆勉強此心長在水雲間

漢尚書郎月給
赤管大筆一雙

自笑

年來失職別金鑿身世漂淪鬢殘髮貧藉俸錢猶典郡老
為郎吏是何官開樽暫喜愁腸破堆案仍勞病眼看自笑
不歸田里去謾將名姓掛朝端

自問

自問意何如身窮業有餘
卷懷君子道耽味古人書
月給非無酒晨羞亦有魚
山頭刺史宅未替是吾廬

夜長

後樓前閣互嚴更年鬢侵人睡
漸輕病眼已甘書冊廢愁腸
猶取酒杯傾風搖紙帳燈花碎
月照銅壺漏水清吟盡舊詩
猶展轉百迴移枕未天明

眼病黑花夜不看書數年矣

與嘉祐同游寶應寺

滁陽領郡經三月寶應遊山始
一迴屐齒免憂巖下折簿書
長苦案頭堆磷泉石吟魂健
漠烟嵐病眼開盡日引渠
尋勝境讀碑看篆埽蒼苔

迂儒

小畜集卷

四

吾研齋補鈔

自笑是迂儒誠宜與世踈
左遷猶上疏薄俸亦抄書
漠花侵眼蕭髮映梳唯當
早休去幽處卜吾廬

花鹿

花鹿一何馴長隨病使君
必教吾在野當與爾為群
靜飲清溪水眠閑碧洞雲
猶勝市朝裏逐衆走紛

今冬

休思官職落青雲且算今冬
養病身白紙糊窓堪聽雪
紅爐着火別歲春旋翳官
醞漂浮蟻時取溪魚削白鱗
况是豐年公事少為郎為郡
似閑人

滁上謫居四首

跡去金鑾殿官移玉筍班
才高寧免妬命薄不如閑
曉鑑

悲華髮春醪慰病顏為即身漸老自笑不歸山

其二

跡忝詞林舊官為即署卑同羣甘鳥獸苟祿為妻兒未有一事立空驚雙鬢衰唯憐文集裏添得謫官詩

其三

敢歎我命薄所嗟吾道消謫官淮上老京信日邊遙巧宦或五鼎甘貧唯一瓢居然古人事名跡詎相饒

其四

一日復一日悠悠任此生所悲頻謫宦不是厭專城有悔皆因祿無凶未若耕林泉何處好終卜挂吾纓

戲題二章述滁州官况寄翰林舊同院

小畜集卷

十五

吾研齋補鈔

要知滁上興如何養拙偷安幸亦多小郡既無衣襖使豐年兼有袴襦歌公餘處：攜山屐官醞時：泛海螺病眼白頭唯醉睡朝廷好事不聞他

其二

要見滁州謫宦情信緣隨俗且營：不誇兩制詞多貴多伴三班奉職行樓堞倚空乘月上樽罍有酒對山傾昇沉得喪何須問况是浮生已半生

高閑

謫官滁上欲何為唯把高閑度歲時費盡俸錢因合藥忙於公事是吟詩京中吏去慵傳信江外僧來與撰碑更待吾家婚嫁了解龜休致未全遲

臘月

臘月滁州始覺寒年豐歲暮郡齋閑官供好酒何憂雪天
與新詩合看山日照野塘梅欲綻燒迴荒徑草猶斑吏人
散後無公事門戟森：白鳥還

雪中看梅花因書酒之興

冬來滁上興何長唯吟把情入醉鄉雪片引詩勝玉帛梅
花勸酒似嬾嬌疑眸未厭頻：落擁鼻還憐細：香謫官
老郎無一物清貧猶且放懷狂

朝簪

一戴朝簪已十年半居謫宦半榮遷壯心無復思行道病
眼唯堪學禪醉謝陶公長欠酒俸慙吾祖不言錢白頭郎

小畜集卷

十六

吾研齋補鈔

署成何事見擬休官自種田陶公云飲酒常不足

賀呂祐之諫議自起居外舍人拜命

鳳閣前年陪武麟步臺昔日是交遊先歸內署身雖忝直
上高坡命更優玉筍外郎全弃擲土山果毅免經由却應
迴笑滁陽守官似馮唐半白頭

賀馮起張秉二舍人

八年東觀知深屈馮舍人雍熙丁亥百日南床祗暫經自張

閣知雜入春暖並吟紅藥樹雲開雙見紫微星綉衣脫後休

持斧珠履拋來免過廳馮兼善越應念出官淮水上被人還

笑屈原醒

送都官梁負外同年之江南轉運

月宮同歲取丹枝次第飛翔侍玉墀出職未吟紅藥樹轉
官新入白雲司都官刑部子司使權繁重雖無暇曹局清閑合賦
詩薛能李頻鄭谷皆為都官不似謫官淮水上鬢毛衰廳咏江籬

有傷

壁上時牌催晝夜案頭報朝見存亡懸車又喪司空相延
閣新薨賈侍郎次公相陶鑄官資經化筆其登朝後所任
書品題名姓在文場予應舉時賈公以駕部員外知總帷
一慟無由得徒洒春風淚數行

寄杭州西湖昭慶寺華社主省常上人

夢幻吾身是偶然勞生四十又三年任誇西掖吟紅藥何
似東林種白蓮入定雪龕燈焰直講經霜殿磬聲圓謫官
不得餘杭郡空寄高僧結社篇

送鄭褒歸閩中

褒也甌閩士文高行益修千名逢詔罷歸計逼親憂鷓鴣
終相狎公卿謾欲留刺桐花下宅蘭蕙奉晨羞

贈王獻

舉子竟文賦風騷委路塵吾宗多警句詩道未無人青眼
有誰是白頭空鑷頻賈生如再召為爾指迷津

病假

小郡雖無事常時亦有勞坐衙衫強着判案筆須揉病眼
因求假身閑更覺高何當長似此歸去老蓬蒿

偶題三首

賈誼因才逐桓譚以識踈古今常似此吾道竟何如
其二

鄭興親未葬張籍眼多昏何時解印綬歸去卧山村
其三

白頭厭卽署病眼欲分司寸心猶未決所願在妻兒

詩酒

白頭卽吏合歸耕猶戀君恩典郡城已覺功名乖素志祇
憑詩酒送浮生剛腸減後微二諷病眼昏來細二傾樽杓
不空編集滿未能將此換公卿

司空相公挽歌三首

全德羣儒服清名信史書何人不調鼎唯我得懸車蕭相

小畜集卷

十八

吾研齋補鈔

文無害于公慶有餘三川歸葬地松檟自扶踈

其二

執禮身雖退思賢寵未衰垂行三入命遽逼九原期本末
皆書史功名別樹碑須知文集裏全似白公詩

其三

去歲頻宣召觀燈復賞花徒嫌靈壽杖輕弃富人車列座
先台席溫顏逼翠華而今宅前路雨破築堤沙

和廬州通判李學士見寄二首

北門西掖久妨賢出入丹墀近八年且把一麾淮水上敢
思三接浴堂前將何政術稱循吏豈有文章號謫仙除却
清貧入詩詠山城坐客冷無氈杜工部戲贈鄭廣文詩云

其二

金鑿失職下蓬瀛也向淮邊領郡城堆案簿書為俗吏滿樓山邑負吟情廬江地近音塵絕斷何遜詩來格調清未得樽前一開口可憐心緒獨搖旌

贈朱巖

未得科名鬢已衰年、顛悴在京師妻裝秋卷停燈坐兒趨朝餐乞米多炊尚對交朋賒酒飲徧看卿相借驢騎誰怜所好還同我韓柳文章李杜詩

戲和壽州曾秘丞黃、詩

黃：真是小巫娥買恐千金價不多母別語嬌空有淚對人聲顫未成歌產從南國勝桃李攜去東山隱薜蘿滁上

小畜集卷

一九

吾研齋補鈔

老郎無妓女草玄讀易擬如何

又和曾秘丞見贈三首

非才誤受帝恩深報國空存一片心命薄任從官進退道孤難與衆浮沉日邊信斷無歸夢滁上公餘且醉吟芳寄新詩遠相唁野雲何處望為霖

東詩云其如
莫憂待為霖

其二

謬因文字立虛名寓直金鑿冒寵榮兩度黜官誰是援二毛侵鬢自堪驚宮花謾後春來夢山巖聊供醉後羹身外浮華盡閑物不將窮達問君平

其三

篋中經歲鑱朝衣自覺心閑少夢思失馬叟言徒喻道牧

豬奴戲任逆爭碁且持使節安黔首莫爰恩波沃漏卮况
是無功頭已白此身長恐負明時

和朱嚴筇別依十韻

之子有文行常流竊比難援毫秋露下生文學餘力尤工篆隸開卷

古風寒場屋推盟主聲詩立將壇論儒輕五霸議舌嫉三

桓師仰唯韓愈才名壓李觀生有師韓說固窮多短褐憂道即

忘餐見訪山圍郡相逢菊滿欄眼青怜造士頭白媿郎官

罷舉層霄遠監州勺水盤貧厨兼味少市醞數杯酸舊業

煩君勸新題為我刊生為子勸小畜集又書八絕詩石也臨岐筇雅什天馬

撼錫鑿

賦得紙送朱嚴即席探題

小畜集卷

三

吾研齋補鈔

潔白方又正似君心坦平空隨文價貴未免刺毛生客被

侵霜薄山窓映雪明前春懸作榜應見淡書名

饒州馬殿院頻寄黑髭藥服數千丸斑白未減

作詩以報之

兩州迢遞隔長江寄藥知君念老郎妙術遠慙周柱史衰

容爭奈漢馮唐未除凡骨無仙分欲斷愁根有醉鄉多羨

繡衣鬚鬢黑滿身唯帶栢臺霜

歲暮感懷

歲暮山城放逐臣老從霄漢委泥塵公卿別後全無信兄

弟書來祇說貧眼看青山休未得鬚垂華髮摘空頻文章

氣槩成何事需惹虛名誤此身

送鄭南進士歸洪州

霜颺楓葉滿長郊家指西山舊結茅訪我謫居龍失水怜
君行路鳥焚巢仲尼未免遭儒戲楊子何煩解客嘲歸去
豫章泉好石不知徐孺與誰交

王黃州小畜集卷第十

小畜集卷

十一

吾研齋補鈔

王黃州小畜集卷第十一

律詩

茶園十二韻

送董諫議之任湘潭

送江州孫膳部歸闕兼寄承旨侍郎

立春前二日雪

送嚴判官儒歸滁州

將巡堤堰先寄高郵蔣知軍

送閣門秦舍人

病起思歸二首

寒食

小畜集卷

吾研齋補鈔

酬太常趙丞見寄

張屯田弄璋三日略不會客戲題短什期以

滿月開筵

寄秀才州馮十八禮丞同年

送丁謂之再奉使閩中

牡丹十六韻

朱紅牡丹

芍藥花開憶牡丹絕句

海仙花詩三首并序

后土廟瓊花詩二首并序

櫻桃漸熟牡丹已凋恨不同時輒題二韻

芍藥詩

并序
三首

暮春

酬高郵知軍蔣殿丞見寄次韻

又和寄惠滕篋絕句

先帝登遐聖君嗣位追惟恩顧涕泣成章

登壽寧寺閣

池上作

和國子柳博士喜晴見贈

公退言懷

公餘對竹

官舍偶題

小畜集卷

二

吾研齋補鈔

贈呂通祕丞楚州監倉

贈虛已

贈省欽

贈王殿院同年

弔別楊府池亭

池邊菊

揚州道中感事兼簡史館丁學士

感宗皇帝挽歌三首

闕下言懷上執政三首

送邵察院知朗州

送直館高正言轉運荆湖

送宋澣處士之長安

送刑部韓負外同年致仕歸華山

贈狀元先輩孫僅

贈浚儀朱學士

書懷送田二舍人自吏部郎中出典泰州

寒食出城馬上偶作

病中書事上集賢錢侍郎五首

賃宅

青猿

寓直偶題

頃年謫宦解梁收得令狐補闕毛詩音義其

小畜集卷

三

吾研齋補鈔

本乃會昌三年所寫數行殘缺後人添之

其筆跡乃工部畢侍郎所補也昨因問之

乃云亡失多年矣作四韵以還之

伏日偶作

和吏部薛負外見寄

贈密直張諫議

寄狀元孫學士何

送譚殿院之任南陽

送河陽任長官

和屯田楊郎中同年留別之什

送臨清楊可主簿入蜀

送淳于中舍懸車侍養

送正言楊學士億之任縉雲

送第三人朱巖從事和州

送南陽李太傅二首

壽孫三日

茶園十二韻 揚州作

勤王修歲貢晚駕過郊原
菽芾餘千本青葱共一園
芽新撐老葉新芽之上去
年舊葉尚在土軟迸深根
舌小侔黃雀毛猗摘綠
猿出菴香更別入焙火微溫
採近桐華節生無穀雨痕
緘滕防遠道進獻趁頭番
待破華膏夢先經閭闔門
汲泉鳴玉甃開宴壓瑤樽
茂育知天意甄收荷主恩
沃心同直諫苦言類嘉言
未復金鑿台年々奉至尊

小書集卷

四

吾研齋補錄

送董諫議之任湘潭

依々行色滿帆檣又借仁風惠
遠方暫去長沙非賈誼猶
虛計相待張蒼檻前波浪瀟
湘濶雨後汀洲橘柚香
翰苑放臣知最幸願聽民訟繼甘棠

送江州孫膳部歸闕兼寄承旨侍郎

九江為郡鬢成霜淮海相逢共
黯傷放逐翰林同李白蹉
跎卽署是馮唐才名各負詩千首
離別無辭酒一觴歸見
鰲頭如借問為言棖也減剛腸
孫承旨
侍郎同年

立春前二日雪

一夕滿淮海莎堦曉欲平
寒氣如臘在勢猛共春爭
飄泊

殘梅妬龍鍾老檜擎隨風無定態入竹有繁聲倚檻吟忘
倦援毫畫不成南鄉消瘴癘東作助農耕片颺鵝毛遠光
翻翅輕任貧添酒債慵掃慰詩情羣玉峰巒秀華胥世界
清老郎無政術沉酒卧江城

送嚴判官儒歸滁州

永陽謫宦鬢成華唯有賓從最可誇文學東堂進士第風
流南國相公家移官我未歸丹禁迴掉君今指白沙滁上
淹翔雖已久寺樓山色對瑯琊

將巡堤堰先寄高郵蔣知軍

二十年前存濮陽賓筵留我共飛觴當時進士衣如雪今
日郎官鬢有霜吏役可堪巡堰隸軍城猶喜接封疆能來

小畜集卷

五

吾研齋補鈔

界首相期否堤上依：柳漸黃

送閭門秦舍人

郡印我未解軺軒君不徂相逢都幾日此別又經秋山雪
晴猶在河漸暖漸浮內庭連上閣早晚共優游

病起思歸二首

年來多病轉思山終日呻吟簿籍間叔夜養生休著論陶
潛難死寔因閑陶潛云人
生寔難死又移郡印三年調未報君恩兩
斑鬢安得便歸田里去松篁泉石掩柴門

其二

四十為郎非不偶况曾提筆直瀛州時明遇主誰甘退白
髮侵人自合休夢得蹉跎因出郡劉夢得貶謫為
郎四十餘年薛能詩

什取監州薛昌詩云春來病起思歸甚未敢飛章達冕旒

寒食

寒食江都郡青旗買楚醪樓臺歲綠柳籬落露紅飛妓女穿輕屐笙歌泛小舸史君慵不出愁坐讀離騷

酬太常見丞見寄

當年布素定交情恨不同為出谷鶯猶作三丞君最屈徧尋兩制我知榮湮沉莫厭青衫在彼此俱嗟白髮生重入玉堂非所望汶陽田好欲歸耕晁詩祝予再入翰苑

張屯田弄璋三日略不會客戲題短什期以滿

月開筵

小畜集卷

六

吾研齋補鈔

布素相知二十年喜君新咏弄璋篇洗兒已過三朝會屈客應滿湏月筵桂子定為前進士蘭芽魚是小屯田至時擔酒移厨去請辦笙歌與管絃

寄秀州馮十八禮丞同年

君從婺女典嘉興我自滁陽到廣陵同被雪霜侵兩鬢獨嗟官職是三丞郡齋新養華亭鶴鄉信時逢建業僧願作入朝西道主只看黃霸詔書徵

送丁謂之再奉使閩中

繡衣直指東南夷入奏風謠受聖知持節又從三殿出演綸還較一年遲朝中謬拜推賢表江畔空吟惜別詩郡印喧卑文會少為君搔首落花時予在西掖嘗舉謂之

牡丹十六韻

艷絕百花慙花中合尚南賦詩情莫倦中酒病先甘國色
渾無對天香亦不堪遮須施錦帳障戴好上瑤簪苞拆深
擎露枝拖翠出藍半傾留粉蝶微亞摘宜男鄰妬臨粧妬
胡蜂得藥貪忽行晴吹動濃睡晚烟含話別年經一相逢
月又三遣吾搨白髮為吾換新衫池館邀賓看衙庭放吏
叅仙娥喧道院魔女逼禪庵道院禪庵皆署內所有亂折窠難惜分
題韻更探歌歡殊未厭零落痛曾諳穀雨供湯沐黃鸝助
笑談顏生如見此也未免醺酣顏回不飲酒

朱紅牡丹

渥丹容貌着霓裾何事僧軒祗一株應是吳宮歌舞罷西

小畜集卷

七

吾研齋補鈔

施因醉誤施朱

芍藥花開憶牡丹絕句

風雨無情落牡丹翻階紅藥滿朱欄明皇幸蜀楊妃死縱
有嬪嬙不喜看

海仙花詩三首并序

海仙花者世謂之錦帶維揚人傳云初得于
海州山谷間其枝長而花密若錦帶然予視
其花未開如海棠既開如文瓜而繁麗懦弱
過之或不一朶滿頭冠不克荷惜其不香而
無子易絕第可鉤壓其條移植他所因以釋
草釋木驗之皆無有也近之好事者作花譜

以海棠為花中神仙子謂此花不在海棠下
宜以仙為號目之錦帶俚熟甚焉又取始得
之地命曰海仙且為賦詩三章題諸僧壁
一堆絳雪壓春叢、
一長條弄曉風借問開時何所似、
將繡被覆薰籠

其二

春憎窈窕教無子天為妖嬈不與香
盡日含毫難比興花中應是衛莊姜

其三

何年移植在僧家一簇柔條綴彩霞
錦帶為名早且俗為君呼在海仙花

小畜集卷

八

吾研齋補鈔

后土廟瓊花詩二首并序

揚州后土廟有花一枝潔白可愛且其樹大
而花繁不知寔何木也俗謂之瓊花云因賦
詩以狀其態

誰移琪樹下仙鄉二月輕冰八月霜
若使壽陽公主在自當羞見落梅粧

其二

春冰薄、壓枝柯分與清香是月娥
忽似暑天深澗底老松擎雪白娑娑

櫻桃漸熟牡丹已凋恨不同時輒題二韻

紅芳落盡正無憀吟遶空枝首重搔
最恨東君才思少不

筓檀口待櫻桃

芍藥詩三首并序

芍藥之義見毛鄭詩百花之中其名最古謝公直中書省詩云紅藥當階翻自後詞臣引為故事白少傅為主客郎中知制誥有草詞畢咏芍藥詩詞彩甚為該備然自天后以來牡丹始盛而芍藥之豔衰矣考其實牡丹初號木芍藥蓋本同而未異也予以端拱己丑歲由左司諫為制誥舍人後坐事黜弃淳化初甲午年又以禮部員外郎牽復舊職尋以本官充翰林學士則謝公白傳之任常蹂躪矣自出滁上移廣陵追念綸闈于今九載而編集之內未嘗有芍藥詩言于詞臣不得無過揚州僧舍植數千本牡丹落時繁豔可愛因賦詩三章書于僧壁

牡丹落盡正淒涼紅藥開時醉一場羽客暗傳尸解術仙家重藝返魂香蜂尋檀口論前事露濕紅英試曉粧曾忝掖垣真舊物多情應認紫微郎

其二

東君着意占殘春得：遲開亦有因曾與掖垣留故事又來淮海伴詞臣日燒紅艷排千朶風遞清香滿四隣更爰絲頭弄金縷異時相對掌絲綸

其三

滿院勻開似赤城帝鄉齋點上元燈感傷綸閣多情客珍
重維揚好事僧酌處酒杯深蘸甲折來花朵細含稜老郎
為郡辜朝寄除却吟詩百不能

暮春

索寞紅芳又一年老郎空解惜春殘總聞鶯囀誇楊柳已
被蟬聲哭牡丹壯志休磨三尺劍白頭誰藉兩梁冠酒樽
何必勞人勸且折餘花更盡歡

訓高郵知軍蔣殿丞見寄

次韵

青雲豈望更翱翔覽照唯添鬢雪光為郡自知無政術歸
田猶擬拜封章且眠錦帳趣蘭省終掩雲關卧草堂三入

小畜集卷

十

吾研齋補鈔

承明已過分有伺詞筆敵常楊

予兩知制誥
一入翰林

又和寄惠藤篋絕句

蠻藤編篋自番隅錦袋羅囊盡不如乞與揚州貯詩草行

春誰怕雨隨車

耐藤篋
雨

先帝登遐聖君嗣位追惟恩願涕泣成章

鼎湖髯斷去難攀九五飛龍已御天乾兩制舊臣生白髮
一番新貴上青天老為郎吏承纒經假作諸侯哭几筵踈
賤無由撰哀冊夢中空負筆如椽

登壽寧寺閣

乘輿登虛閣披襟一望間聖朝新日月
時上初即位 上國舊江山
柱隔晴虹斷簷喧夕鳥還歸衙不辭晚吟思白雲閑

池上作

未遂滄州去池邊弄綠波醉浮船底兀吟遠履痕多靜照
新華髮沉思舊釣蓑晚涼得幽趣魚戲上圓荷

和國子柳博士喜晴見贈

霖霖為害正憂農昨日陰雲散碧空潑刺退灘魚失水喁
啾高樹鳥知風洗開霽月婵娟色放出秋花齒齒紅勞寄
新詩曲相賀由來災異繫三公

公退言懷

吏胥圍繞簿書堆病眼昏々素髮垂已覺文章無用處不
歸田里待何時兩衙決事官差我五日延英詔問誰賴有
古人蹤跡在只應蓬室是吾師

小畜集卷

十一

吾研齋補鈔

公餘對竹

冠褐飄々乍退公引吟筇坐一叢々買漆幽景渾無價洗
却繁陰別有風曾任雪欺終古綠也從桃映暫時紅此君
合是吾廬物會種婣娟伴釣翁

官舍偶題

俸錢隨月盡公務逐時生白髮多悲感皇華倦送迎奉身
無寔事困我為虛名會向滄浪上秋風自濯纓

贈呂通祕丞楚州監倉

聞君公事苦喧卑紅粟堆邊獨歛眉已入朝行翻掌庾未
如畿尉且吟詩君前任畿尉堰頭笑傲同張祐市裏優游比路
隨唯有才名藏不得山陽留滯肯多時

贈虛已

谿邊幽樹好烟霞別後春風幾度花
夢憶一岩紅薜荔心
輕三事紫袈裟
禪機悟了身無着
詩句高來鬢有華
不遇蘇州韋應物
畫公篇什向誰誇

贈省欽

師善八分太宗台子
殿上書數行賜紫

舊隱何年別翠微
瀑泉聲入鎖禪扉
御前曾寫八分字
天上特宣三事衣
燈照夜庵霜後冷
鼎烹秋菊雨中肥
終歸五老峰邊去
杯渡長江一錫飛

贈王殿院同年

幾年淮海歎驅馳
羨拜初聞入奏時
乍作臺官勞馬揖
合為巡使近龍墀
多從此地升三字
莫向朝端說四推
縱遇

小畜集卷

三

吾研齋補錄

省橋休物項郎官
班列甚喧卑

時郎中八十餘負
數百負唯臺官稍少

留別揚府池亭

竹遶亭臺柳拂池
徘徊終戀郡齋西
斜陽更上漁舟坐
明日紅塵逐馬蹄

池邊菊

綠池遶逕幾千栽
準擬登高泛酒杯
未到重陽歸闕去
金英寂寞為誰開

揚州道中感事兼簡史館丁學士

時與丁同赴京

淮邊為郡再相聞
又得同途赴九重
願我尚騎天廐馬
共君遙想鼎湖龍
賈生比望朝文帝
白傅何期哭憲宗
攜手驛橋殘照裏
斷魂空斷隔江峯

太宗皇帝挽歌 三首

卜世知無極上仙安可尋
祝堯違象望傳啓合天心
陵栢蕭騷韻階茅寂寞陰
何人開殿閣塵暗九絃琴

其二

舜化無偏黨堯年久耄期
世間久自哭天上事難知
終讓東封禮遂成南狩悲
金戀舊學士頭白涕漣洏

其三

日到虞泉落天從杞國崩
去年壽寧節令夕永熙陵
薤露悲風起松所苦霧凝
龍髯攀不及千古恨難勝

闕下言懷上執政 三首

謬提文筆侍先皇
謫宦歸來遇國喪
仙駕只留燒藥鼎
總

小書集卷

二

吾研齋補鈔

帷猶認讀書囊
北辰別見天垂象
西內渾疑海變桑
昨日梓宮陪哭臨
淚多唯^有老馮唐

其二

早有虛名達九重
宦途流落漸龍鍾
散為郎吏同元稹
羞見都人看李邕
舊日謬吟紅藥樹
新朝曾獻皂囊封
猶期少報君恩了
歸卧山村作老農

其三

誥詞黜責子孫羞
欲雪前冤事已休
浴殿失恩成一夢
鼎湖攀駕即千秋
道邊任死心終直
澤吟長吟淚暗流
虞舜五臣知此事
戲儒已免更監州

薛能詩云監州是戲儒

送邵察院知朗州

察院有淮南轉運乞侍養因有此除并拜母為縣太君

郡齋全占五谿雲就養辭權以孝聞重戴舊稱秦御史高
堂新授漢封君板輿為別經三載壽酒先斟滿十分我歎
今生無此事賦詩相送淚零

送直館高正言轉運荆湖

象笏烏紗諫署榮運輸權重使蠻荆職分三館圖書貴地
轄重湖水石清貪吏望風潛解印逋民知惠自歸耕曹官
寂寞馮唐老多謝乘軺澤國行

送宋澥處士之長安

內翰舍人弟

簪笏監門獨紉蘭卧龍潛在八龍間錫原任說朝賢貴鶴
驚惟稱處士閑靜按仙經燒大藥狂挨僧壁畫遙山老郎
見作歸休計分取圭峰並掩關

小書集卷

七

吾研齋補鈔

送刑部員韓外同年致仕歸華山

自察院
求致仕

抗表辭烏府歸山鬢未秋朝簪還獬豸塵世謝蟬蛸拂袖
人生事縣車帝命優名光新日磨官占好詞頭應宿郎曹
羨尋山物景幽繡衣移蕙帶驄馬換耕牛對枕蓮峰翠當
門瀑布流婁閑裁藥草兒戲雜猿猴買竹憑牙板疏泉濕
鹿裘四推離督責三院肯淹留接武陶貞白差肩許遠遊
十洲如得侶萬戶任封侯脫洒因君去龍鍾使我羞遷鶯
情最洽化鶴術難求掌誥無文彩謀身足悔尤紫垣頻忝
白髮合歸休應璉叨三入張衡志四愁亦期婚嫁畢攘袂
逐浮丘

贈狀元先輩孫僅

病中何事忽開顏記得詩稱小狀元

予淳化年卯歲贈君詩云明年再就堯塔

試應被元人粉壁乍懸龍虎榜錦標終屬鶴錫原青雲隨步

登花塔紅雪飄衣醉杏園還有一條遺恨處不教英俊在

吾門

贈浚儀朱學士

台符新知貢舉

潘岳花陰覆杏壇門生叅謁絳紗寬西垣久望神仙侶北
部休誇父母官兩屐送僧莎逞滑夜碁留客竹齋寒何時
傑直來相伴三入承明興漸闌

書懷送田二舍人自吏部郎中出典秦州

共歎蹉跎兩鬢蒼立朝為郡是尋常重歸謝客中書省又
送山濤吏部郎三入承明身最忝十第兄事分偏長喜聞

小畜集卷

十五

吾研齋詩鈔

辭日留前席莫算多時住水鄉

寒食出城馬上偶作

欲報君親與願違今年寒食任芳菲八音遏密因山後雙
淚滂沱拜墓後歸艷冶桃花迎馬笑輕狂榆英撲人飛官
途時態更諳盡猶媿妨賢直紫微

病中書事上集賢錢侍郎五首

力疾奉朝謁歸來倦送迎老為儒術誤瘦愛道裝輕羅藥
幽香散移琴細韻生晨餐漸有味筍蕨倍關情

其二

妻兒慣疏素僕馬任龍鍾一榻渾無物孤琴對病容風翻
簾影亂早減井痕重幽寂誰為伴扶行賴瘦筇

其三

食貧當歲早朝退只端憂典笏逢休假焚香願有秋病飢
渾厭肉瘦冷未更裘夢見山村興披蓑釣乳流

其四

卽署領制誥十年未上坡馮唐空潦倒銜綰是誰何猶賴
紫垣直聊遮白髮多歸田未有計村樹綠婆娑

其五

日月奉朝請病多仍食貧揶揄應有鬼夷俟豈無人鳳閣
十年筆烏紗九陌塵集仙知己在應為指迷津

賃宅

老病形容日衰十年賃宅住京師閣樓鳳鳥容三入巢

小畜集卷

二

吾研齋補鈔

宿鷓鴣欠一枝壁掛圖書多不久砌栽蘆葦亦頻移人生
榮賤須知分會買茅庵映槿籬

青猿

小僕如猿狖貧家備指呼未堪隨馬足已慣典魚須時洗
塵侵硯閑收雨滴圖歸田如有計留負酒胡盧

寓直偶題

兩朝書命媿無才謾逐詞臣侍玉階病似相如多避事拙
于方朔少詼諧命奇只合先休退道在何妨更卷懷白首
猶期議封禪一隨鑿輅見燔柴

頃年謫宦解梁收得令狐補闕毛詩音義其本
乃會昌三年所寫數行殘缺後人添之其筆

跡乃工部畢侍郎所補也昨因問之乃云亡
失多年矣作四韵以還之

謫宦山州自訓童因求書籍有遭逢偶收毛鄭古詩義認
得歐虞舊筆踪南郡攜行心不足

幕府不敢私謁遂西齋送去手親封塵侵烟染尤堪重年
攜去除揚二州

號標歷武宗

伏日偶作

移床拖簟就南軒門掩閑坊半樹蟬多病形容唯有骨食
貧生計旋無錢掖垣已泰年深直朝謁終妨日晏眠會解
綸闈求郡印早收餘俸卜歸田

和吏部薛負外見寄

小畜集卷

十一

吾研齋補鈔

振也好剛多悔吝唯憑忠信自書紳嚴陵知退遺榮利只
擬滄浪把釣綸老去趁朝慵待旦病來求假動經旬西垣
興味更諳盡一片烏紗滿馬塵

贈密直張諫議与子結婚

先皇憂蜀輟樞臣獨冒兵戈出劍門萬里辭家堪下淚四
年歸闕似還魂弟兄齒序元投分兒女情親又結婚且喜
相逢開口笑甘陳功業不須論

寄狀元孫學士何

久居臺閣多憂畏欲薦賢才涉比周灰死寸心甘不動雪
侵雙鬢未能休封章事寢空騰謗制誥詞荒益自羞唯愛
棟華君家棣華榜登科記上並龍頭

送譚殿院之任南陽

大抵人生樂故居山川况復漢南都
別來墳墓有霜草歸去田園多綠蕪
銀印莫羞雙鬢白錦衣兼照兩轡朱
西垣衰病無慘客空羨此行謦袴襦

送河陽任長官

宰君行李苦蕭疎妻子龍鍾尚跨驢
醉眼且看花滿縣愁顏莫望果盈車
頭銜新換呼明府科第元高得校書
誰解吟詩送行色茂陵多病老相如

和屯田楊郎中同年留別之什

科名長恐辱同年許國丹誠皎日懸
謬掌斯文雖未喪欲行吾道即無權
謝公留滯蒼苔院潘岳征行落葉天
引重

小書集卷

二八

吾研齋補鈔

力輕深自媿強訓詩益淒然

予嘗舉奏屯田未有恩旨

送臨清楊可主簿入蜀

楊父為諸司使祖有贈官及第授官後以父命

歸拜祖墳焚所贈告

脫白去焚黃遙知祖德光墓墳喬木老襟袖桂枝香
迴見梅含雪歸逢橘飽霜子雲應有宅為奠草玄堂

送淳于中舍懸車侍養

懸車乘去謝明朝擺脫簪纓似一毛
望苑官清諧侍養督郵名賤恥徒勞
青宮位在他年起綵服身歸此日高
我媿無親尸厚祿與君命書淚霑袍

君授萊州錄事乞致仕

送正言楊學士億之任縉雲

弱冠珥朝簪才堪入翰林重違君厚遇
聊奉母心懽筆削

笥惇史囊裝貯賜金帆張淙河濶山對括蒼深暫歇趨朝
馬重聞故國禽幽蘭南澗採壽酒北堂斟務簡慵開閣家
豐不典琴彩衣方侍養紅藥即供吟我占掖垣久自驚年
鬢侵妨賢兼固極相送淚盈襟

第送三人朱嚴先輩從事和州

乘船東下歷陽湖榜眼科名釋褐初賓職不羨無厚俸郡
齋唯喜有藏書錢侯聚院尤多伴吟先買秋江鶴醒酒時烹晚市
魚廉使多情應問我為言衰病似相如

送南陽李太傅二首

兩朝黃閣預彌綸又策春坊第一勲僧塔舊題前進士齋
壇新拜上將軍馬噴金勒衝微雪雁避紅旌入斷雲還似

小畜集卷

十九

吾所齋補鈔

徐州張僕射御詩相送四方聞

其二

紅旆飄：奪曉霞御筵相送出京華仲尼俎豆真儒者郤
毅詩書屬將家腰下如懸如斗印門前看見築堤沙先朝
學士期牽復待草南陽入相麻

壽孫三日

經年病不飲此日一開樽鑑裏休嫌老懷中已抱孫紅綉
裁錦段香水浴銀盆他日歸田相扶入華門

詩行

謝宣賜 御草書急就章并朱邱舊集詩

應制 皇帝親試貢士詩

謝政事王侍郎伏日送冰

酬贈田舍人

對雪示嘉祐

送姚著作之任宣城

送晁監丞赴婺州關市之役

還揚州許書聖家集

酬處才上人

和張校書吳縣廳前冬日雙開牡丹

和馮中允爐邊偶作

賦得南山行送馮中允之辛谷台按獄

烏啄瘡驢詩

謝宣賜 御草書急就章并朱邱舊集詩

臣聞伏羲畫卦朴且淳蒼頡造字初有文大篆小篆八分體楷隸章草何紛紜因茲八法各有要遂使六藝區以分其中最難惟草聖玄妙功夫自天性又聞關雎本王化四始洋洋風化下比興賦頌六義分乃有變風兼變雅仲尼刪後屈平作郢客李陵關名價古來詩道難得人其唱彌高和彌寡如今草聖與雅言盡在



吾皇萬機暇元年十月近乾明崇文院靜寒霜晴直廬日
午讎書罷閑曳朱衣逸砌行中使傳宣來上界忙把魚頭
下堦拜寶函鈿軸光陸離

御札文書御製詩折腰摺笏拭雙目汗流魄駭聊一窺急
就章何縱橫藍田種玉苗初成雪花灑破煙嵐壁黑雲漏
出天漢星乍似鮫人泣下珠無數錯落晶熒滿盤貯又似
大鯨吞盡滄海波查牙露出珊瑚樹朱邱集何清竒仙風
撼動瓊林枝漢皇休道白雲句穆滿虛吟黃竹詩乍似三
春直上伯陽臺熙熙物華當眼開又似十洲夜伴玉母宴
鸞哥鳳吟次第來小臣再拜受一軸擣紙抄詩抄未足焚
香朝向天日看執簡夜對星辰讀臣見高宗飛帛亦有名
筆跡往往頌公卿所得不過三五字當時臣子猶為榮又
見玄宗詩什頗留意吟詠時時成御製屬和止于一兩篇
至今史冊猶為貴若徵往事比明時萬分之一徒爾為未
如我四十三紙聖人作一百二章天子詩永為家寶藏書
篋豈讓西方貝多葉且教世世傳子孫長與
皇家作臣妾

應制 皇帝親試貢士詩

天王出震寰海清奎星燦燦昭文明詔令郡國貢多士大
張珠網羅群英皇情孜孜終不倦日斜猶御金鑾殿宮柳
低籠三月煙爐香飛入千人硯麻衣皎皎光如雪一一重瞳
親鑒別孤寒得路荷君恩聚首唯言盡臣節小臣蹤跡本

塵泥登科曾賦御前題屈指方經五六載如今已上青雲
梯位列諫官無一語自問將何報明主應制非才但淚垂
強作登詩詩舜禹

謝政事王侍郎伏日送冰

火雲如山暑雨歇天地爐烘三伏月玉皇教散閭苑冰斲
開北陸瓊瑰窟峨峨貯向瑤花合分命中官賜黃閣鳳皇
池上玉壺盛温樹風聲頓蕭颯台恩分與西垣士綸誥稀
踈方假寐下和抱璞入直廬從此驚忙不成睡怒蠅休向
筆端飛抵鵲渾疑山下墜寒生毛髮清牙齒脆若玉芝甘
似醴炎風暑氣都不知空作狂詞謝知己

酬贈田舍人

君不見天上星辰拱環極忽然墮地變成石又不見雲中
鷹隼橫高秋有時榻翼化作鳩人生進退甚類此左遷右
轉誰自由憶昔逢君在鄒魯翰林文人東道主一言得意
便定交數日論文暗相許邇來倏忽十餘年共上赤霄連
步武禁中更直承明廬深喜兼葭依玉樹兩制惟君最清
慎筆力辭鋒有餘刃方期夜直金鑾坡誰知共理淮陽郡
官銜新換版曹郎腰佩初懸列侯印西垣三字班列閑南
面百城資望峻且應盡意頒詔條豈復迴頭顧文陣下車
果有謳謠生賣刀買犢民歸耕黃髮老農鼓腹唱雪花雙
鹿挾輶行棠陰露濃滴朱紱麥秋風冷吹紅旌行春多暇
吟情發閑作長詩寄同列詞中首寫明君語指點神仙為

舊侶嚴徐雖合在蓬瀛邵杜已聞為父母重來便恐調金
鉉無復區區掌文翰直如經歲未徵黃道在何勞重嗟嘆
入則步蒼苔詠紅藥了事舍人孫處約出則張皂蓋擁朱
輪賢明太守召信臣請君屈指數交友似此官名能幾人
逢時誰不欲行道遇主我亦思庇民功名富貴皆待命出
處語默聊衛身一車甘雨方建隼萬國淳風莫泣麟他時
宣室召賈誼賢人事業當併伸未間忍見烏兔走鑑裏星
星將白首休耽鈴閣家藏書且酌郡齋官給酒嬰兒稚女
滿眼前莫負時光笑開口

對雪示嘉祐

去年看雪在商州使君命我山寺頭峰巒草樹六百里飢
飢凍鳥聲啾啾山城窮陋無妓樂何以銷得騷人愁抱餅
自瀉不待勸乘興一引連十甌晚歸上馬頗自適狂吟醉
舞夜不休今年看雪在帝里瑤臺瓊樹佳氣浮朝迴攬轡
聊四望移下五城十二樓樽中有酒翻不飲鬱鬱不快非
怨尤吾兒嬌駮未曉事問我胡不私獻酬因令把筆寫我
意為渠吟作雪中謳昔為副使不理事待罪且免憂人憂
今為諫官非冗長拾遺三館俸入優秋來連澍百日雨禾
黍漂溺多不收如今行潦占南畝農夫失望無來麩爾看
門外飢餓者往往殍瘞填渠溝我冠旅進又旅退曾無一
事裨皇猷俸錢一月數家賦朝衣一襲幾人裘安邊不學
趙充國富饒不作田千秋胡為碌碌事文筆訶時頌聖如

徘徊一家衣食仰在我縱得飽煖如狗偷况我眼昏頭漸
白安能隱几勤校讎何時提汝歸田去賣馬可易數隻牛
深耕淺種苟自給藜藿言爾充飢唯黍哇鋤理學元亮瓜
田澆灌師秦侯素殮免作疲人壽開卷免對古人羞未行
此志吾感賦對酒不飲抑有由斯言不敢向人道語爾小
子為貽謀

送姚著作之任宣城

平生聞說宣城郡水石幽奇人物俊檻外澄江練不收窻
中遠岫眉初印六朝繁盛至隋唐才人名士遙相望謝公
向此憑熊軾白傳曾為鹿鳴客江樓山寺多賦詩往往題
名在僧壁

皇家早歲平三後翰林曹公為太子至今清話玉堂中夸
詫江山不離口

吾君御極初選藝業或新推弟或重或累或索佐郡官首
得宣城為歷試紫微田部次登科東樞受代得聽事第三
榜中第二人今在烏臺為或視或通或倅或少名流雲泉竹
樹應包羞今春忽命桃或著或術或縱或橫或才或嘉或落或當年雄揖
第三名官路迤邐久漂泊去歲獻文重召試新恩始上芸
香閣未教修史未演綸宣城奉使聊親民且忻彩服得就
養莫歎朱衣未即真舊遊應有交朋在此去仍言婚官新
下車布政民休休高吟淺酌誰獻酬夜深紅燭在何處綺
霞閣通疊嶂樓公權書札燕許詞未免山僧乞撰碑撰碑

書碑即三載，眼看徵詔在丹墀。却愁未盡江南興，閑坐蓬瀛揮玉柄。黃樞侍臣兩制官，待君同翫宣城景。

送晁監丞赴開市之役

關征市賦繁，寶貨誰愛此官為。市隱將作晁丞于役時，婺女星臨海邊郡。黃絹難高，尚卑白華。行刺梨身猶困會，待時來即併伸也。知道任終無悶，君不見路隨含笑坐市中。屈身豈愧丹陽尹，又不見張生狂醉鑿揚州。冬瓜堰下甘肥道，此行况是奉皇恩。華歆之輕助，數一家。携門餅下岸買竹葉挂席，背風穿蓼花霜晴。雲邊初雪，捕魚過惠山。應試茶虎谿時，雲霧隱雪錢。塘夜潮照湖月，密排詩景在途中。旋吟新句教兒童，漸近重華見雉頭。五馬來迎使者車，應知驥足暫拘絆。八詠樓開，燭燈宴醉中。官妓乞詞詩刻谿紙，貴抄新詞他年誰獻子。虛賦召入金門玉雲路，因思元白在江東，不似晁丞今獨步。

還揚州許書記文集

君不見近代詩家流，胡為寒帶多窮愁。孟郊顛顛死，逆旅浪仙舟。迹長三頭張生，漂泊冬瓜堰。徒去輕薄萬戶侯，浩然無成鹿門去。李洞慟哭昭陵，休生無風教興王。化死無勳爵，貽孫謀。可憐詩道日已替，風騷委地何人收。高陽許公精六義，獨向

聖朝生後嗣，因將先集進九重。高步金臺曳珠履，祖德光輝

聖主知府尹賢明丞相時維楊權牧即中令薛相之子廣陵郡大古

九州記室官清外三字遂令天下學詩人徒羨君家窮四

始我來迎侍游江都玳筵往往陪歡娛遂求家集恣吟諷

海波乾處堆珊瑚因思賈孟數家一何苦詩鬼嗷嗷餒無

主子孫淪沒誰及君爾倚紅蓮傾深醪草檄餘閑好賦詩

莫放風情忝爾祖

酬處才上人

我聞三代淳且質齊人熙熙誰信佛茹蔬剃髮在西戎胡

法不敢干華風周家子孫何不自奉清淨惜聖王道德秦皇

漢帝又雜霸只以威刑取天下蒼生哀苦不自知從此中

國思變夷無端更作金人夢萬里迎來惠以重為君為相

猶歸依嗷嗷龔俗誰敢非若教却似周公時生民豈肯湏

披緇可憐嗷嗷避後半入金田不耕織君子之道動即

窮亦有賢達藏其中上人來自九華山叩門遺我瓊瑤編

錚錚五軸餘百篇定之仍以書為堯書示說經文中不

言佛有心直欲興文物師自遠來相親吾師畫卦成同

人出門无咎非群分架裝異綬何足云附為長

和張校書吳縣廳前冬日雙開牡丹詩韻

君不見年年三月千叢媚些爛紅繁誇勝異尋常人戴滿

頭歸醉折狂分不為貴枝開葉盡根空培人情日待明年

開化工自有呼魂術霜前喚下瓊瑤臺王母親將金粉傅

麻姑齊僭霓裳來主人蓋是神仙才不然此物胡為而來

哉二姬勸酒誰引滿長洲懶吏先舉杯多感同年與蔡折
吟詩欲謝難輕發青宮校書方適跡代我作詩如錦拚他
年吾輩功業成與君共作騎鯨客

和馮中允爐邊偶作

誰為東君掌青律故將春日連人日春日雨絲暖融融人
日雪花寒慄慄雨雪寒暖苦不同可比交情去就中仲咸
擁爐發謔詠古風激破滌滌風人情離合古來有召公初
亦疑周公汾陽臨淮本健勝一旦分兵若親戚四公翻覆
人不譏谷冬操心為邦國此外請以多事已反掌背面如
千里張耳陳餘不忍言魏其武安何足處此愛中庸君子
心心與人交淡如水別有人間事一去一就隨榮枯

西漢董賢方佞倖孔光迎拜卑也故是時楊雄在東觀投
閣欲死無人扶有唐力士夫人朝士喪事如喪妣是
時李白放江邊憔悴無人供酒小人之性何所以真如
蜂蝶并螻蟻尋春逐臭苟朝會暮會重蘭茝重君誓
心一何極澗底松兮陵上栢間松後栢有朽時我約君心
無改易

賦得南山行送馮中允之辛谷冶按獄

商山三月花如火草樹青蔥雨初過柳條漸軟蝶雙飛桑
葉尚多蠶一卧溥情野水流不迴無力春雲慵欲墮團團
榆莢是誰拋漠漠游絲向人韉可憐花木間嵐光花前正
好飛觥觴馮君夙駕一何速捧檄銀坑按辛谷轉輸昨日

又移文小吐許牒何紛紜見說南山六百里踰盡馬蹄摧
履齒是何屈于不知已衝斗太阿教補履龍無尺水且蟠
泥驥困鹽車但垂耳片言折獄亦胡為必也無訟方君子
吾徒事業本稽古得行其志當州措畫衣畫地免煩苛抵
壁捐金返淳素未行此道且營營營營為祿聊代耕殘春
小別不足念焉高唱南山行南山一月期迴首莫許臨
歧數卮酒

烏啄瘡驢調

商山老烏何慘酷鬻長于釘利于銜拾蟲啄卵從爾為安
得殘吾身渣畜我從去歲請商於行李能存一蹇驢來登
秦嶺又嶮嶺焉我賦背百者書穿皮露脊痕連腹半年治
瘵將平復老烏昨日忽下來啄瘡奪食取新肉驢號僕叫
烏已飛刺嘴整毛坐我膝我僕秦爾何悔不挾彈更
張羅賴是商山多鷲鷲便問我秋鷲盛爾拳兮鈎爾
爪折烏頸兮食烏腦豈唯取五

王黃州小畜集卷第十二

又移文小吐許牒何紛紜見說南山六百里踰盡馬蹄摧
履齒是何屈于不知已衝斗太阿教補履龍無尺水且蟠
泥驥困鹽車但垂耳片言折獄亦胡為必也無訟方君子
吾徒事業本稽古得行其志當州措畫衣畫地免煩苛抵
壁捐金返淳素未行此道且營營營營為祿聊代耕殘春
小別不足念焉高唱南山行南山一月期迴首莫許臨
歧數卮酒

王黃州小畜集卷第十三

謠行

訓安祕丞謠詩集

訓安祕丞見贈長謠

拍板謠

對酒吟

戰城南

苦熱行

端蓮謠

筵上狂謠送侍棊衣換天使

還揚州蜀中集

啄木謠

秋鷺謠

江豚謠

訓安祕丞謠詩集

我聞天有二十八箇星降生下界爲英靈東方曼倩蕭相
國至今留得終天名又聞地有三十六所洞洞中多聚神
仙衆神仙負過遭譴謫來人世爲辭客李白王維并杜
甫詩顛酒狂振寰宇今來相去千百年寥落乾坤閒無覩
皇天何不生奇人庸兒蠢夫空紛紛夜眠朝走不覺老飯
囊酒甕奚足云陶立忽見安祕書星精仙骨真有餘月中
曾折最高桂趁出玉兔驚蟾蜍示我謠詩百餘首筆鋒閃

閃摩星斗乍似碧落長拖萬丈虹飲竭四海波瀾空又似
赤晴乾撒一陣雹打折瓊林枝倒卓夜來夢見李長吉叩
頭再拜湏來乞自言失却照海珠至今黑坐驪龍窟方知
安侯不是星辰類即是神仙輩不然又爭得標格峻邁文
辭顛恠有時醉起一長噫叶八極風清鬼神駭他年却入
蓬萊宮休使麻姑更叱背

誄安祕丞見贈長譚

我聞進士登科換凡骨信知不是風塵物貢籍有來數百
年直疑空却神仙窟其間最貴龍虎榜乘時得路為卿相
一從巢寇犯闕來梁氏禮闈還草創莊宗明宗雖膺命晉
朝漢朝俱不永其中縱得神仙材太平不見哀之哉上玄

應恐天地閑安仙又謫來人寰二十把筆疏辭源黃河傾
落崑崙山有周道衰猶歎鳳天公留得歸

皇宋天水夕郎掌貢時禹門萬仞連雲聳不是真龍不能
過嗔波怒浪澆雷火是歲北極七箇星一時下降為門生
安仙堂堂冠其首六星煌煌願隨後騶虞賦就鏗金石丹
水詩成摘錦繡玉皇殿前受恩渥一時命入芙蓉幕獨得
歸州近巫峽十二晴峰長在睫郡齋狂醉復狂吟書盡巴
東一川葉邇來遊宦五六年吳山越水供新編還同白傅
蘇杭日誦詩落筆人爭傳去年始上芸香閣出典陶丘滯
鋒鐔阮籍營中浮蟻馨亞夫門外垂楊弱驥足雖知暫縻
絆樽前未始長嗟歎只應會得老聃言大器本來成較晚

吾君正是興文教不日徵歸掌綸詰醉挨雉扇掃宮辭怒
上螭頭呈諫草筆下追還三代風祛盡澆漓成古道丈夫
方見兼濟才莫學西山採薇老我今自是蓬蒿身如何一
見如故人長訶謂我相翦飾便疑平地升青雲文章難得
逢知己知己相逢貴終始伊我行止方悽悽老親稚子相
顧啼出門動足歧路迷得君引上登天梯

拍板謠

麻姑親採扶桑木鏤脆排焦其數六雙成捧立王母前曾
按瑤池白雲曲幾時流落來人間梨園部中齊管絃管絃
才動我能應知音審樂功何全吳宮女兒手如筍執向玳
筵爲樂準數聲慢仙人履齒下雲棧老狐臘月渡黃河緩
步輕輕踏冰片數聲急空江電打漁翁笠鮫人泣對水精
盤滿把珠璣連瀉入劃然一聲送曲徹由基射透七重札
金壘冷落闕無聞龍頭凍把泉聲絕律呂與我數自齊絲
竹望我爲宗師總驅節奏在術內歌舞之人無我欺所以
唐相牛僧孺爲文命之爲樂句

對酒吟

勸君莫把青銅照一瞬浮生何足道麻姑又採東海桑闌
苑宮中養蠶老任是唐虞與姬孔蕭蕭寒草埋孤塚我恐
自古賢愚骨壘過北邙高突兀少年對酒且爲娛幾日樽
前垂白髮安得滄溟盡爲酒滔滔傾入愁人口從他一醉
千百年六轡蒼龍任犇走男兒得志升青雲須教利澤施

于民窮來高枕卧白屋蕙帶荆裳還自足功名富貴不由
人休學唐衢放聲哭

戰城南

邊城草樹春無花燕骸漢骨埋黃沙陣雲凝着不肯散胡
雛夜夜空吹笳我聞秦築萬里城甍屍壘土愁雲平又聞
漢發五道兵祁連澤北誇横行破除壘綬因胡亥始知禍
起蕭牆內耗盡中原過大半黃金買耐諸侯叛直饒侵到
木葉山爭似垂衣施廟弄大漠由來生醜虜見日設拜尊
中土自古控御全在仁何必窮兵兼黷武戰城南年來春
草何纖纖窮荒近日思信霜寒巖凍岫青如藍方知中國有
聖人塞垣自爾除妖氛河湟父老何忻忻受降城外重耕耜

苦熱行

六龍銜火燒寰宇魏王冰井如湯煮松枝桂葉凝若癡喘
殺谿頭嘯風虎北溟鏽却萬丈冰千斤凍鼠忙如蒸我聞
胡土長飛雪此時日曬地皮裂仙芝瑤草不敢茁湘川竹
焦琅玕折西郊雲好雨不垂堆青臺碧徒爾為

瑞蓮謠并序

宴設都頭宋承武其先嘗為黃州刺史有別墅在關城東
南池生瑞蓮承武來告因與從事曾校書汎小舟以驗之
退而作謠以紀其事

江城五月江雨晴荷花到處紅交橫宋家池上瑞蓮生
嬋娟出叢抽一莖莖端茵茵開兩朵忽似娥皇將女英九疑

望斷蒼梧暮低頭並照湘波清花落蓮成碧於外瑟瑟塵
輕慰人眼蕭郎弄玉合卺時一齊覆下瑠璃盞草木效靈
載圖史守臣盡可聞天子

吾君有詔抑祥瑞異獸珍禽不為貴瑞蓮無路達冕旒也
隨衆卉老池頭吏民歸美賀郡守敢貪天功為已有古來
善政數杜詩桑無附枝麥兩岐瑞蓮信美產茲土起予謾
作閑詞辭年年更願再熟稻倉箱免使吾民饑

筵上狂詞送侍棊衣襖天使

昔事

先皇叨近侍北門西掖清華地

太宗多材復多藝萬機餘暇翻棊勢對面千里為第一獨

小詩百集卷十三

三

徐浩

飛天蛾為第二第三海底取明珠三陣堂堂皆御製中使
宣來示近臣天機祕密通鬼神乃知棊法同軍法既誠貪
心又嫌怯唯宜靜勝守封疆不樂窮兵用戈甲

先皇三勢有深旨豈獨一枰而已矣當時受賜感君恩藏
於篋笥傳子孫至道年中出滁上失脚青雲空悵望移典
維揚日望還軒轅鼎成飛上天龍髯忽斷攀不得舊朝衣
上淚潺湲

吾皇曲念

先朝物徵歸再掌西垣筆悲涼忽見紅藥開哭臨空隨梓
宮出去年領郡得齊安山州僻陋在江干黃民誰識舊學
士白頭猶作老郎官昨日江邊天使到隨例霑恩着衣襖

皇華本是江南客久侍

先皇對棊弈筵中偶說當年事三勢分明皆記得我從失
職別上臺御書深鑱不將來遙想棊圖在私室天香散盡
空塵埃今日因君聊話及翻作停杯向隅泣人生不易逢
聖朝君恩未報雙鬢凋金鑿殿花春灼灼永熙陵樹夜蕭
蕭空歎拖腸在泥土不如舐鼎升煙霄多病相如由未死
追思往事欲魂銷星使今辰迴馬首強對離筵滿傾酒悲
歌一曲從事書唱與朝中舊知友

還揚遂蜀中集

上玄茫昧胡為乎施設吾道生吾徒否多泰少是天意生
有述作死不虛聖人憂患方演易賢者窮愁始著書盡令

八百有六十一

六

事

富貴陷逸樂春蠶蠹散散如鷄豬泯然無物作時瑞誰識鳳
皇與騶虞經史子集燦今古粉繪帝道張皇謨一言可采
即不朽名姓長與日月俱乃知天心厚我輩窮辱不足形
悲吁夫君擢秀在江左國小而遍何區區科名始得值兵
火金陵坐見成丘墟歸朝纔得一贊善黜降重為縣大夫
彰明僻遠在蜀道又遇妖賊攻成都徒行抱印入隴氏乞
食夷落何崎嶇歸來朝責作主簿朱衣暗澹鬢毛踈昨朝
投我蜀中作錚然一集如瓊琚杜甫奔竄吟不輟庾信悲
哀情有餘我逢

聖代自多難謾誇三入承明廬近令編綴小畜集謫官詩
什何紛如才名官職不兩立真宰折刻分毫銖郎官踈遠

既未貴縣吏禮數不足拘相逢且說文章樂爲君酌酒焚
枯魚

啄木詩

淮南啄木大如鴉頂似仙鶴堆丹砂嘴長數寸勁如鐵丁
丁亂鑿乾枯查黃柑紅桃多有蠹受命鳳皇須破柱何當
更與繡衣裳羽族橫飛作持斧

秋鷺詩

淮南八月尚有鷺關關無異來時聲東風擡舉如篁舌何
事經秋猶未絕飢鷺病鶴亦能鳴鳳鳥不聽何處說

江豚詩

江豚江豚爾何物吐浪噴波身突兀依憑風水恣厥豪吞
嚼魚鯁頰肥膾肉腥骨硬難登俎雖有網羅嫌不取江雲
漠漠江雨來天意爲霖不忤汝

王黃州小畜集卷第十三

